

مهزلة

تخلي روض من أقصاه أجمل الورد أحمله
وأهديه لأيدى وظفاير شيخة الورد الندي
تخلي نهر بالأحجار نتمثني جدول
نقى على جاله جلوس شوي وشوي نعدي
تخلي بيت دفاه من المواجه والوله
ضحك وسواليف وسهر ومزوح وبساط أحمدي
تخلي عشق عجزت أستوعبه وأتخليه
كانه على هالحال ما عز الله أبشر بسعدي
ياسيدة عشقي وأنا راعيه راعي الأوله
ماهي كثيره لو تقولين: أنت والله سيدي
ترا الله إلي حط لك ذاك الغلا والمنزله
ولا الهوى لا ورث أبوي ولا ذخرتة لولدي
حبيبي مايقهر الرجال في مستقبله
لا الهوى إلي مرة يقبل ومرات يغدي
حتى الوفا لا زاد عن حده يعود مهزله
ياليتني خنتك ولا إلي قام يحداني حدي

ناصر القحطاني

تدري يا حلوة متى العاشق يحس بالمهزله
لأجاء شي مثل شي قام يحداني حدي
ما أقسى من دموع اليتيم إذا ذكر ضحكة هله
لايهد من الفراق إلا الفراق السرمدي
الورده إلي في شرايين الحشا متغلغله
ياروحي اللي لو تبرت مني أختل جسدي
كونت لك عالم غرام مداخله البلبله
إلا هدير ينتهي بين الضلوع ويبتدي
حتى أقرب أصحابي من اللوعه سهيت وقلتله:
يا لاجودي كف العذل مافي العواذيل اجودي
انا إلي استاهل عناقيد العنب يا مدله
ليتك دريتي كيف عيني تذكرك في مرقدي
يا ادنى من الغيم انتغطرس وطول من السمبله
يا أقرب كثير من الحكي وابعد شوي من الجدي
إن جيت رحتي مقفيه وإن رحت جيتي مقبله
كم مت..وليا قلتي «أحبك» تجد مولدي
دنياي انا لو تجتمع لذاتها في مكمله
والله ما أشهر لأي عين غير عينك مرودي
ياذابحتني كل شي إلا الجفا ما تحمله
ياكبركذبة عزتي لو قلت أبعد وأبعدي
قلبي لو أغديتته في الصحراء بليا بوصله
ماتأخذين إلا وهو لأقصى ضلوعك مهتدي
وأن خاب ظني وآخر المشوار جاء مثل أوله
بغمض عيوني وأبلم وأقهر الحظ الردي
بأحلامنا حتى آخر المريخ نقدر نوصله
الله..لو نطلع بساط الريح وايديك في يدي